

公開組 冠軍 《婆婆的心思》

婆婆 (歌聲) :

When I was just a little girl
I asked my mother what will I be
Will I be handsome
Will I be rich
Here's what she said to me
Que Sera, Sera
Whatever will be, will be
The future's not ours to see
Que Sera, Sera

孫女妙芝 :

婆婆，你準備好未？我係新翠小學嘅小記者，我想訪問下婆婆你呀！你
喺新翠邨住咗幾多年呀？

婆婆 :

我喺呢度住咗二十幾年喇！

孫女妙芝 :

你同公公一出世係咪住喺新翠邨㗎？

婆婆 :

我同公公以前住喺木屋區㗎，你都未住過喇。我記得入伙嗰日係聖誕節。

孫女妙芝 :

嘩！咁新翠邨咪係你嘅聖誕禮物？

婆婆 :

聖誕禮物呀！

孫女妙芝 :

咁我今年有無聖誕禮物先？

婆婆 :

我無準備到聖誕禮物㗎。

婆婆：

妙芝，婆婆請你食粒糖。

孫女妙芝：

哦。

婆婆：

妙芝，你做咩唔開心呀？

孫女妙芝：

梁美盈收到份聖誕大禮物，係一條好靚好靚嘅長裙。好多珠片，好閃㗎，但係我無.....

婆婆 (夢話)：

呀！

(夢境) 孫女妙芝：

但係我無.....

婆婆 (夢話)：

呀！咩事？

(夢境) 孫女妙芝：

但係我無.....

婆婆 (夢話)：

我買俾你，我買俾你.....

婆婆：

呀！我諗到喇！

婆婆：

呀！到喇！

保安員：

咦？婆婆，你喺度做咩呀？

婆婆：

我想搵我孫女，送份禮物俾佢，但係我唔知點去呀！

保安員：

咁樣呀，一係我帶你去啦！

婆婆：

好呀，唔該曬！

孫女妙芝：

婆婆！

婆婆：

妙芝，婆婆送份聖誕禮物俾你呀！

孫女妙芝：

多謝婆婆！

孫女妙芝：

婆婆，其實我哋一齊住，點解你仲要出街嘅？你可以直接送俾我㗎嘛。

婆婆：

聖誕老人由煙通入㗎嘛，我而家咪入去搵煙通囉！

孫女妙芝：

其實聽日係年初一，點解你仲要送聖誕禮物俾我嘅？

婆婆：

哈哈.....